



賜

令

堂

籙

俎

貽令堂雜俎目錄

答妹壻黃霄鵬札

梁南樵

黃霄鵬先生傳

陳天驥

先府君傳後序

男道恆

黃霄鵬先生墓表

黃榮康

題黃霄鵬先生畫像

黃榮康

以上附卷首

經編

易旨主敬

遠小人

貞疾

苦節

致一

工以內言

罔水行舟

孛戮

說命

刪詩

詩序

唐虞夏殷禮

臨財毋苟得

哀孫

論語起結之旨

逆億

旄倪

恆產

史編

帝王將相受婦人輕侮

韓信壯怯

陸賈

賈誼

漢儒言災異

司馬相如

汲黯

霍光有學

馬援論

袁安論

鄭康成

羣賢歸曹操

魏晉風俗

唐道舉學

人肉治病

文字之禍

紹興題名錄

論明代建都

子編

好譏人者近死

敬人

取人以信

盡忠卽所以盡孝

地面爲糞

雷物

考朔日甲子捷法

黃氏宰相

千角鹿圖

楊升庵說有失考

五種遺規

漢學家自悔

著書宜慎

刻先人書

轉矢氣

本草綱目

藥名

服藥過多

王荆公傳方

佛塔

集編

古行狀兼敘善惡

孔子集句

出師表

東坡賈誼論

東坡大臣論

碑文書國號

三習一弊疏

張南山文

制藝

對聯所始

集易經聯

雜說

諫君有道

原儒

讀書之要

過勞

忍

處鄉

儉能保富

殤子不立後

學醫

行醫

粵音近古

手鉅戒指

遺詩

乘小舟赴省城

遊白雲山鄭仙岳

烹茶

詠荔枝老樹

村前晚望

聞新鶯

感時二首

再遊白雲山

勵志

目錄終

貽令堂雜俎卷首

答妹壻黃霄鵬札

梁南樵

接讀來翰垂詢先妣靈柩今歲有意舉葬否夫
亡者以入土爲安靈柩久停獲戾在躬愚豈毫
無知覺但囊空如洗縱有心而無力其奈之何
尊意願助葬資以成大事足見閣下葭莩遠蔭
休戚相關美意纏綿無任感激惟是預算葬費
約須白鏹廿兩有餘閣下蓄積非饒愚屢次受
恩撫心實所不忍昨與毅甫三兄往看先考墳
塋據稱平穩旋鄉以後亦未聞有願助之言夫

開口陳情若不允所求復有何顏相見戚誼中
必須知己知彼不可強其俯從也區區之心敢
佈左右尚乞鑒原

答叔敬黃書

願命正縣

黃霄鵬先生傳

門人陳天驥撰

先生姓黃諱保康字培聲號霄鵬南海學正鄉人性
穎悟勤靜好讀書幼時自塾歸母對月織階前書聲
與機聲相和不絕年九歲隨其父學於外十八歲改
從從叔秋繁先生遊時文字崢嶸論史有特識深爲
從叔所獎十九歲始授徒凡二十餘年席無定所每
獨宿荒館雖燐火怪聲不畏迫於貧也中年以文會
友進學尤深自命不凡卑視儕輩然應童子試屢前
而輒躓至四十歲僅錄佾生自此心遂淡矣先生讀
書深粹洞達世情嘗謂子弟曰必有忍乃有濟此處

世要言也不然機鋒相角所得豈償所失耶又曰人有賢否事有成敗訂交作事安可率行吾生平能寡尤悔者以知人明應事活耳欲明與活惟靜者能之其名言多類此事父母孝母老多疾藥必親煎訓子姪嚴不啻聲律身度居鄉里能行其德鄉有文筆塔真武廟因傾壞並重修材前沿水之路向苦泥濘後築以石行乃安始祖祠絀於支祭禮幾不能舉及集崇祀義會春秋始克頒胙此皆先生所倡議而力行者晚年精醫術前後活人無算求醫者無論親疏皆盡心而不取謝遇貧人且給以藥幾自忘其爲貧也

由是名重一時。光緒庚寅七月得疾。九月十五日遂終。年五十二歲。著有吳鞠通方歌一卷。陳修園方歌一卷。醫林獵要一卷。

論曰。天驥幼從先生遊。密邇其鄉。知先生詳且確。其姪任恆。天驥妹婿也。編注先生醫書垂於後。更屬天驥傳其爲人。夫先生識卓而貌恂。學優而遇蹇。貧困重而刻苦自勵。其傳之久遠也。固宜。復得姪表其書。雖蘊學未伸。而名已彰。用益廣矣。爰卽負牆所聞。反證其狀。著諸編以付之。

先府君傳後序

男道恆謹撰

陳茂才達瑜。既爲府君立傳。道恆夫復何言。然瑣事軼聞。時有未詳。亦數典者之所不忍割棄也。爰綴而序其後。曰。府君幼多病。勤學而不好弄。長與同志聯社。戰文數百。必拔壇幟。每一文出。四方輒爭傳誦。縣府考試。屢列前茅。卒以布衣終。人皆傷其命蹇。而提堂一事。尤可恨。府君年二十九。廩保呈冊。誤作三十九。學政胡瑞瀾。疑爲槍替。乃提堂。使不近諸童卷。既呈。賞之而不取。至光緒四年。吳寶恕視學。僅錄佾生。時年已四十矣。府君多讀書。陰陽地理。星命相術。無不考究。而於醫學尤精。初

府君染目疾。求醫反劇。自考書得黃元御法。飲薑
附而復明。又叔父芟棠足痿數月。羣醫術窮。府君
日夜究療。月餘乃愈。因歎曰。今乃知人不可不通
醫也。遂專力十餘年。舉家皆依爲命。或遇難症。發
書追考得治法。乃已。每至納燈帳內。持書擁被。竟
夕不眠。平時徧觀醫籍。凡論說有關學益者。必鈔
以別紙。時取觀摩。其精勤真莫及也。醫方歌括。撰
於晚年。旣成。授道恆曰。儒者十年致力。醫中之秘
猶多。懵然。況淺學後生。往往望洋興歎乎。此書非
必可傳。然衛生無術者。持以爲津梁。則或不至茫

無際涯耳。此府君著書之意也。府君雖貧而善舉則不惜費。如印送陳氏訓俗遺規數百部。勸人體行。子姪必令熟讀。及賻貧家之喪。皆樂行不倦焉。夫府君已往而行事猶存。道恆雖愚。豈忍聽其湮沒。故書所親見者。以附傳末。亦聊盡人子應盡之心耳。

黃霄鵬先生墓表

三水黃榮康撰

自世以文章取士。士之剽竊浮薄。僥倖弋取者。不可
覩指。而刻苦攻礪。務爲精博雄奇之作。乃以時數舛
異。竟賚志以終者。亦往往有之。若淡然於中。無所顧
惜。且能以其所言施之於事。表鄉閭。貽子孫者。則有
霄鵬先生其人。先生諱保康。姓黃氏。南海人。祖瀛士。
歲貢生。父錫深。國學生。皆以文行名。而先生益讀書。
醇粹。文字崢嶸。其從叔秋絜先生。歲教弟子數百人。
輒獨許先生。先生亦抱負不凡。矯然有大志。顧乃屢
進。屢蹶。莫展其才。嗚呼。命矣。然先生雖不達。而文譽